



Broj: 02/1-04-247/20-AP-16
Datum: 23.07.2020. godine

Na osnovu člana 13. Poslovnika o radu Privrednog savjeta Općine Zavidovići broj: 02-05-1818-AP-12 od 30.06.2017. godine, na ponovljenoj 10. sjednici Privrednog savjeta Općine Zavidovići, koja je održana 23.07.2020. godine u Velikoj sali zgrade Općine Zavidovići sa početkom u 10:05 sati, sastavljam

ZAPISNIK

Na sjednici Privrednog savjeta prisutni su: Općinski načelnik Dr. sci. Hašim Mujanović, Remzo Sinanović, Aldin Šušić, Sabahudin Horozović, Enesa Bukvić, Ilić Slađan, Admir Bajraktarević, Hasaković Mustafa i Ramo Imamović.

Na sjednici privrednog savjeta nisu prisutni: Džeraldina Miličević, Mrahorović Kemal, Nakib Vuković, Amir Omerašević i Denis Marušić.

Prisutni stručni saradnici Privrednog savjeta Općine Zavidovići: Nedžad Nalić i Ibro Hadžić.

Odsutni stručni saradnici Privrednog savjeta Općine Zavidovići: Almir Mustafić.

Zapisnik će voditi Fatima Merdanović.

Konstatuje se da je na sjednici prisutno 9 članova Privrednog savjeta od ukupno 15 članova, od čega 2 člana iz ne javnog sektora.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta Općine Zavidovići, odnosno potrebno je prisustvo najmanje 8 članova.

Općinski načelnik Dr. sci. Hašim Mujanović predlaže sljedeći dnevni red:

- 1) Prijedlog Odluke o izmjeni Odluke o provođenju Regulacionog plana „Centar III“ Zavidovići,
- 2) Prijedlog Odluke o usvajanju izmjena i dopuna Regulacionog plana „CENTAR III“ Zavidovići,
- 3) Prijedlog Odluke o izmjeni Odluke o administrativnim taksama Općine Zavidovići,
- 4) Informacija o dodjeli poticaja privrede na području općine Zavidovići za 2020. godinu – Program djelimične sanacije i ublažavanja šteta u privredi uzrokovanih pandemijom koronavirusa – COVID 19,
- 5) Informacija o dodjeli poticaja za proljetnu sjetvu poljoprivrednih kultura, kupljenog sjemenskog materijala, mineralnih gnojiva i sredstava za zaštitu bilja,
- 6) Program utroška sredstava dodijeljenih po Odluci Vlade Federacije Bosne i Hercegovine,
- 7) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Dnevni red se usvaja bez izmjena i dopuna i prelazi se na rad po istom.

Općinski načelnik Dr. sci. Hašim Mujanović daje riječ izvjestiocu po prvoj tački dnevnog reda.

1. tačka dnevnog reda Prijedlog Odluke o izmjeni Odluke o provođenju Regulacionog plana „Centar III“ Zavidovići

Izvjestilac Remzo Sinanović traži da se zamijeni prva i druga tačka dnevnog reda, da prva bude Prijedlog Odluke o usvajanju izmjena i dopuna Regulacionog plana „CENTAR III“ Zavidovići, a druga tačka dnevnog reda Prijedlog Odluke o izmjeni Odluke o provođenju Regulacionog plana „Centar III“ Zavidovići.

Članovi Privrednog savjeta saglasni su za izmjenu tačaka dnevnog reda.

1. tačka dnevnog reda Prijedlog Odluke o usvajanju izmjena i dopuna Regulacionog plana „CENTAR III“ Zavidovići

Izvjestilac Remzo Sinanović iznosi pojašnjenja i dodatne informacije po ovoj tački dnevnog reda. Govori o problemu bespravne gradnje. Novoizgrađeno stepenište je u okviru Regulacionog plana, zemljište je općinsko i trebalo bi se dodijeliti. Osim stepeništa ništa nije novo.

Nakon izlaganja izvjestioca pomoćnik Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Ramo Imamović, Slađan Ilić, Remzo Sinanović, Admir Bajraktarević i Enesa Bukvić.

- Općinski načelnik Dr. sci. Hašim Mujanović: Zahvaljuje na izlaganju i dopunjava da svaka lokalna sredina ima problem bespravne gradnje. Nikada se nije ulazilo u suštinu. Problematika se veže za politiku. Problem predstavlja i ko gradi. Općina daje priliku svima koji žele graditi. Privrednici ne bi trebali čekati da vijećnici dignu ruku. Prijedlog bi bio da se formira komisija za legalizaciju, neka tu budu i predstavnici političkih partija i uposlenici Općine.

- Ramo Imamović: Zanimljivo oko komisije. Ništa nije meritorno za vijeće. Kada bi se formirala komisija niko ne bi bio taoc.

- Slađan Ilić: Podrška prijedlozima. Smatra da centar grada treba da liči na nešto, ali ne treba da se gradi bez regulacionih planova. Gradnja u Centru grada treba da bude u okviru zakona.

- Remzo Sinanović: Trebalo bi da ide prvo dodjela zemljišta. Komisija bi samo relaksirala situaciju. Uskoro se neće desiti da se formira komisija. Zaključak Općinsko vijeće donese i predstavimo se kriminalcima.

- Ramo Imamović: Stalno se vrtimo u krug.

- Općinski načelnik Dr. sci. Hašim Mujanović: Problem je što investitor mora čekati jer ne može dobiti potrebne dozvole. Grad nam ne napreduje. Da se gradnje nisu desile grad bi nam izgledao kao iz '95. godine.

- Remzo Sinanović: Pritisak postoji i od građana.

- Admir Bajraktarević: Navodi primjer gardnje Mujanovića, predlaže da se ubrza proces gradnje hotela.

- Enesa Bukvić: Hvalila općinu, dobila za 9 dana sve za gradnju. Sada iznenađena situacijom.

- Općinski načelnik Dr. sci. Hašim Mujanović: Kada vijeće vrati materijal, trebalo bi navesti šta ne valja, te da se predloži drugo rješenje. Prije 6 mjeseci ne može ponovo doći na dnevni red.

- Ramo Imamović: Ovdje nema rješenja.

- Općinski načelnik Dr. sci. Hašim Mujanović: Kada je u pitanju Centar III – utvrđeno nema elementarnog izvršenja bilo kojeg krivičnog djela. Regulacioni plan je prošao sve komisije, vidjet ćemo koliko će vijećnici respektovat ljude koji grade. Građevinski inspektor nije sjedio skrštenih ruku. Fizičko lice kada uloži žalbu posao općine na čekanju, a čovjek izgradi kuću.

U okviru prve tačke razmatrala se i druga tačka dnevnog reda Prijedlog Odluke o izmjeni Odluke o provođenju Regulacionog plana „Centar III“ Zavidovići, tako da se za obje tačke može donijeti jedan Zaključak.

Privredni savjet zauzima stav, sugeriše se Općinskom vijeću da podrži izmjene ne samo konkretno o regulacionom planu nego o svemu kada je u pitanju i cjenovnik komunalnih usluga. Sugeriše se nekim eventualnim prijedlozima, primjedbama, sugestijama, te ako smatraju da nešto nije dobro da su zbog tog tu, ako je nešto dobro opet su tu da kažu to podržavamo, protiv ovog smo...

Općinski načelnik Dr. sci. Hašim Mujanović u tom kontekstu zamolio je Slađana ako može na neki način s obzirom da je predlagao neku formu zaključka da postavimo ili u slobodnoj procjeni ili ako može definisati.

Zaključak: Pozivamo vijeće da odblokira procese usvajanja stagnacije i legalne gradnje, te da se usvoje regulacioni planovi.

Zaključak je usvojen jednoglasno.

3. Prijedlog Odluke o izmjeni Odluke o administrativnim taksama Općine Zavidovići

Općinski načelnik Dr. sci. Hašim Mujanović iznosi pojašnjenja i dodatne informacije po ovoj tački dnevnog reda. Tokom trajanja pandemije od 16. marta primao zahtjeve, najčešće od ugostitelja. Cjenovnik je bio na nivou godine, privrednici tražili da se plaća 5 KM i da svaki drugi bude 5 KM. Izmijenjena odluka da restorani ovjere cjenovnike i da plate 5 KM. To je suština.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključio Ramo Imamović.

- Ramo Imamović: Da li ide i svaka sljedeća izmjena 5 KM?

- Općinski načelnik Dr. sci. Hašim Mujanović: Da, 5 KM.

Zaključak: Prijedlog Odluke o izmjeni Odluke o administrativnim taksama Općine Zavidovići je primljen k znanju.

4. Informacija o dodjeli poticaja privrede na području općine Zavidovići za 2020. godinu – Program djelimične sanacije i ublažavanja šteta u privredi uzrokovanih pandemijom koronavirusa – COVID 19

Općinski načelnik Dr. sci. Hašim Mujanović iznosi pojašnjenja i dodatne informacije po ovoj tački dnevnog reda.

Već se provodi nekoliko ciklusa gdje se preraspodjelom sa Budžeta dodjeljivali poticaji javni poziv je raspisan. Četiri grupe su isplaćene. Taj proces još uvijek traje. Stimulativne mjere su otvorene do 31.12. Prema informacijama iz Službe imali smo 7 zatvorenih obrta. Nije bilo gubitaka, prestanak radnog odnosa bio je radi štete. Višak radnika se pojavio kada radnici nisu mogli doći do svojih radnih mjesta.

Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Sabahudin Horozović, Enesa Bukvić, Slađan Ilić i Admir Bajraktarević,

- Slaže se sa Načelnikom, nije bilo veće nezaposlenosti. Veći broj nezaposlenih javio se u aprilu, nisu to samo radnici iz naše Općine, to su bili radnici i sa drugih Općina. Već od juna ti radnici su vraćeni. Nadamo se da neće doći do situacije kao što je bilo u aprilu i da će privreda ostati na stabilnim nogama, međutim budžet diktira sve. Bilo bi dobro da se izdvoji što više iz budžeta.

- Enesa Bukvić: Plaši se šta će se dalje dešavati. Mora se tražiti posla.

- Općinski načelnik Dr. sci. Hašim Mujanović: Mi smo se vodili našom nadležnošću. Nismo dali 100 KM da se plati komunalna naknada. Imali smo zakonsko uporište i mi smo to uradili. To nije dovoljno za privrednike. Sa višeg nivoa nismo dobili ni marku, ni masku, ali smo imali Naredbu. Svi smo bili u istom rangu. Nije se kukalo, imamo rezerve.

- Slađan Ilić: Pohvaljuje poljoprivredne poticaje. Dalo je to efekat da se zasije. Program nije bio loš. Ljudima je drago šta god da dobiju od Općine.

Zaključak: Informacija o dodjeli poticaja privrede na području općine Zavidovići za 2020. godinu – Program djelimične sanacije i ublažavanja šteta u privredi uzrokovanih pandemijom koronavirusa – COVID 19 je primljena k znanju.

5. Informacija o dodjeli poticaja za proljetnu sjetvu poljoprivrednih kultura, kupljenog sjemenskog materijala, mineralnih gnojiva i sredstava za zaštitu bilja

Izvjestilac Ibro Hadžić iznosi pojašnjenja i dodatne informacije po ovoj tački dnevnog reda. Bilo je i tehničkih problema, malo se brzalo. Svi su obećavali ali tek sada su došle pare. Javni poziv je uslijedio nakon Naredbe Kriznog štaba, nakon 7 dana donesen je novi poziv gdje su poljoprivrednici mogli aplicirati i do 1000 KM. Općina je potrošila na sjetvene pakete 197.000,00 KM, a od tih 197.000,00 KM sa viših nivoa smo trebali dobiti 140.000,00 KM.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović i Ibro Hadžić.

- Općinski načelnik Dr. sci. Hašim Mujanović: U tom vremenu panika nas je uzela. To je bio stimulans. Treba napomenuti da smo radili transparentno. To treba sada biti i signal

našoj Službi, šta je to što našem gradu treba. Kašnjenja je bilo zbog nedostavljanja žiroračuna ili zbog nedostataka žiroračuna. Mi smo gotovo sve isplatili, problem nisu sredstva.

- Ibro Hadžić: Za jesenju sjetvu obećava i kanton i Federacija. Sada smo trošili općinske pare, pa se ne treba žuriti.

Zaključak: Informacija o dodjeli poticaja za proljetnu sjetvu poljoprivrednih kultura, kupljenog sjemenskog materijala, mineralnih gnojiva i sredstava za zaštitu bilja je primljena k znanju.

6. Program utroška sredstava dodijeljenih po Odluci Vlade Federacije Bosne i Hercegovine

Općinski načelnik Dr. sci. Hašim Mujanović nadovezao se i na ovu tačku dnevnog reda.

Općinski načelnik Dr. sci. Hašim Mujanović otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Program utroška sredstava dodijeljenih po Odluci Vlade Federacije Bosne i Hercegovine je primljena k znanju.

7. Razno

Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Slađan Ilić, Enesa Bukvić i Ramo Imamović.

- Slađan Ilić: Pohvaljuje dobro uređene zebre i linije. Kritike za reciklažu. Papir i staklo niko ne uzima. Lokacije su možda bolje trebale biti uređene.

- Općinski načelnik Dr. sci. Hašim Mujanović: Ovo je pokušaj da smanjimo odvoz komunalnog otpada. Ogromna količina novca se baca na odvoz otpada.

- Slađan Ilić: Lijepo je i ljudi su dobro prihvatili.

- Općinski načelnik Dr. sci. Hašim Mujanović: Mi smo iskoristili priliku, lokacije mi nismo birali, a Općina planira ići i u proširenje. Tu su sredstva u okviru komunalnog preduzeća bila ograničena.

- Enesa Bukvić: Postavlja pitanje javnog prevoza?

- Općinski načelnik Dr. sci. Hašim Mujanović: Mi smo dobili dopis od Ministarstva da su našim prevoznicima dali slobodu. Mi od 01.09. stičemo mogućnost da biramo prevoznike, sa polaskom učenika u školu. Prvoz putnika je uz demant kazao da oni mogu raditi uz poticaje.

- Ramo Imamović: Smatra da poticajne mjere ne treba dodjeljivati. Svi bi tražili neke poticaje, konkurencija će oboriti cijene.

- Slađan Ilić: Postavlja pitanje da li je autobuska stanica privatna jer dolaze druge firme?

- Općinski načelnik Dr. sci. Hašim Mujanović: Oni imaju obavezu stanične usluge i pružaju te usluge.

Sjednica Privrednog savjeta završena u 11.45 sati.

ZAPISNIK SAČINILA

Fatima Merdanović

ZAPISNIK OVJERAVA PREDsjedNIK
PRIVREDNOG SAVJETA

Dr. sci. Hašim Mujanović